

六八、貧女從佛乞食生天緣

昔舍衛國城中有一女人。貧窮困苦。常於道頭。乞索自活。轉轉經久。一切人民。無看視者。佛遇行見。往到其所。從佛乞食。憐愍貧女。因餓欲死。即敕阿難。使與其食。時此貧女。得食歡喜。後便命終。生於天上。感佛往恩。來供養佛。佛為說法。得須陀洹。諸比丘問佛言。今此天女。以何因緣。得生天上。佛言。此天女者。昔在人間。因餓垂死。佛使阿難與食。既得食已。心生歡喜。乘是善根。命終生此天宮。重於我所。聞法得道。

六九、長者婢為主送食值佛即施獲報生天緣

舍衛國中。有長者子。共諸長者子。遊戲園中。欲去之時。語其家內。為我送食。其家於後。遣婢送食。婢到門外。遇見於佛。即以其食。供養如來。還復歸家。取食更送。亦於路中。見舍利弗目犍連等。即復與之。第三取食。與長者子。長者子食竟。自來還歸。語其婦言。今日